



0335CH08

जोमाक् जाहाँको आबोबोन जोमा



इजाक् सानाम खोन कुसीयाक् जोमाक्



चितार बेनावमे

ओड़ाक्रे बेनावाक् आमाक् सानाम खोन कुसीयाक् जोम जिनिस रेयाक् चितार बेनावम
आर ओना रेयाक् जुतुम ओलमे।





कामी-कासनी

1

आमेम बेनावाकात् जोमाक् रेयाक् चितार चेदाक्एम कुसीयाक्आ, ओना रेयाक् कारोन लाइमे।

आबो सानाम होइ आयमालेकान जिनिस जोम आर जुंबोन कुसीयाक्आ। ओना मुदरे जाहाँटाक् जोम जिनिस दो हेडेम गया, जाहाँटाक् दो जोजो गया, जाहाँटाक् रेदो मोसोला मेनाक्आ आर जाहाँटाक् दो हाइहात् गया। आबो दो जो जिनिसबोन जोमेदा, उतुबोन जोमेदा, दाका, दल से पीठाबोन जोमेदा। आबो दो तोवा, लस्सी बाडखान जूसबोन जुंयेदा। चेका आम नोआम हुदिसाकात्आ जे आबोदो चेदाक्बोन जोम-जुंयेदा?



तोलासमे

चेका आमेम बाडाय?

छप्पन भोग दो जाहाँन पोरोंब आर कुसी ओपसोर जोखान पेड़ा होइ, गाते आर घारोज्ज सोनमानरे तेयारोक्कान बिसेस जोमाक् काना। ओना रेदो 56 लेकानाक् जोम जिनिस सेलेत् मेनाक्आ आर तुरूई लेकान सेबेल सेलेत्कातेय सोदोरेत् काना: हेडेम (मीठा), झाल (तीखा), कासा (कसैला), जोजो (खट्टा), बुलुडानाक् (नमकीन) आर हाइहात् (कड़वा)।

आपनार घारोज्जरेन लाटु होइ साँव गालमारावमे आर केलासरे गालमारावमे: आबो दो जोम-जुंयेयाक् लागती चेदाक् मेनाक् ताबोना?

शिरीनाक् काहनी - दादाडिच्

शिरीन दो केलास 3 रेय ताहेकाना। उनी दो अडी फुरतीय दाइ दाइयाक्कान ताहेना। आको केलास मुदरे उनीदो सानाम खोन फुरतीय दाइत् ताहेना। मित् दिन, इस्कूल रेयाक् मित् खिलोड कामीआरी जोखेन, शिरीन दो मित् दादाडिच् साँव ए जापामेना जाहाँय दो चैपियन ए ताहेकाना आर उनी दो आयमा सिरोपाकोय जिताउ आकान ताहेना। शिरीन दो चैपियन ए कुली कदेया, “इज दो आमलेका चेकाकातेज दाइ दाइयाक्आ आर सिरोपाकोज जिताउ दाइयाक्आ?”

माचेतको लागित् बाडायजोडाक्

गिदराको आकोवाक् कुसीयानाक् जोम जिनिस बाबोत कुलीकोम। नोआको जोम जिनिस रेयाक् जुतुम बोर्डर ओलमे आर गिदराको ओना बाबोत लाइ लागित् उसकुरकोम।





उनी चैपियन दो शिरीन ए लाइ आदेया जुदी आमदो बाइतीम हेवाक्आ आर दाइयानाक् जोम जिनिसकोम जोमा तोबे आमहों चैपियनेम बेनाव दाइयाक्आ। शिरीन दोय मेनकेदा, “इज दो दिनाम हिलोक्इज हेवाक्आ, मेनखान जावगेज हासो गोदोक्आ।” चैपियन दोय कुली केदेया, “आमदो चेतएम जोमेदा?” शिरीन दोय लाइकेदा, “इज दो एकेन दाका आर आलू

गेज कुसीयाक्आ।” चैपियन दो लान्दाकातेय मेनकेदा, “शिरीन, नोआ दो भागेगेया आम दाका आर आलूगेयेम जोमा, मेनखान आमदो केटेच् आर निफुट होइमो जामलागित् आयमा एटाक् जिनिसको हों जोम लागतीकान तामा।”



“आयमालेकान उतु आर जो जिनिसको जोममे। आयमालेकानाक् ओन खोन बेनावकान जिनिसको जोममे, जेलेका- चावले, कोदे, गुंदली, गुहुम, बाजडा आर एटाक् जिनिसको। दाल जिनिस आर मेवाको जोममे। जाव गे ओडाकरे बेनावोक्कान जोम जिनिस जोमगे नापाय होयोक्आ।



शिरीन दो चैपियनाक् सोलहाय आँगोचकेत् ताया। उनी दो दिनाम हिलोक् हेवाक् आर ओडाकरे इसीनाक् आयमालेकान जोम जिनिस जोमोम ए एहोप् केदा। उनी दो मित् सोमान जोमाक् रेयाक् मोहोतकोय बुजहाउ जामकेदा।



थोड़ा चाँदो तायोम, उनी दो लाहा खोन बाड़तीय दाड़ दाड़ेयाक्कान ताहेंना।
उनी दो खारसाला आर होड़मो निफुटगेय बुजहावेत् ताहेंना। हालीरे, उनी दो मित्
दाड़ हापारावरे आकोवाक् इस्कूल लागिन् सिरोपाय जितावेना।



गालमारावमे

चेदाक् आबोदो दाड़ेयान जोम जिनिसको जोम लागतीकान ताबोना?



कामी-कासनी

2


लाताररे एमाकान चितारको मुद खोन ओना जोम जिनिसरे चिखना लागावमे जाहाँको दो
आम जावगेम जोमा। ।



☐ उतुको




☐ सलाद




☐ फोल-डोल




☐ लाडु-मिठाइ



☐ दाका



☐ दाल



☐ पीठा



☐ तोवा




☐ स्नैक



☐ लास्सी



☐ जूस



☐ पनीर

आमाक् हुदिसते नोआको मुदरे ओकाटाक् जोम जिनिस दो मित् सोमान जोम जिनिस रेयाक्
हाटिज होय दाड़ेयाक्आ?



आबो दो आयमालेकान जोम जिनिसबोन जोमेत् काना

आबोवाक् घारोज्जरेन लाटु होड सेतोड दिन आर राबाड दिनरे बेगार-बेगाराक् जोम जिनिसको इसीना। जोखोन गोरोमा, आबो दो कुल्फी बाडखान आइसक्रीम जोम आर नारियाल दाक् जुंबोन कुसीयाक्आ। राबाड जोखेन, आबो दो लोलो जोमाक्, सूप आर स्टूबोन जोमा आर लोलो जुं जिनिस आडी कुसीतेबोन जुंइया। सानाम रितूरे बेगार-बेगार फोल-डोल आर उतु जिनिसको जामोक्आ। आबो दो उल आर तरबूज सेतोड दिन आर आयमागान सेव राबाड दिनबोन जामेत् काना।



सेतोड दिन आर राबाड दिन जोखेन जामोक् फोल-डोल आर उतुको आर सेतोड दिन आर राबाड दिन जोखेन इसीनोक् बिसेस जोम जिनिस रेयाक् तालिका बेनावमे।

सेतोड दिन	राबाड दिन

आबो दिसोम रेयाक् सानाम हिसारेन होड आयमालेकान सेबेल जोमाक्को जोमा। चेका नोडकानाक् जाहाँन जोमाक् मेनाक्आ ओना बाबोत आमदोम आञ्जोमाकात्आ मेनखान नित हबिच् आमदो ओना बाम जोम लेगावाकादा? आम, आमरेन गाते से घारोज्जरेन होड आयमा टोठाते पे सेन बाडावाकाना आर ओण्डेनाक् आयमालेकान जोम जिनिसकोपे जोम बाडावाकात्आ। आमरेन जाहाँय ओपोरोम होड पासेच् दिसोम रेयाक् एटाक् हिसारेय ताहेनकान आर उनी दो आमेम जोमेत्कान जोम जिनिस खोन बेगार जिनिस ए जोमेत् कान। नोआको जोम जिनिस रेयाक् जुतुम तोलासमे आर आमरेन गातेको साँव ओना बाबोत गालमारावमे।



नोआको जुंय जिनिस रेयाक् जुतुम आमाक् पारसीते लाइमे।


जोमाक् जाहाँको आबोबोन जोमा



नारियाल दाक्




उल जूस



उल पन्ना



नारंगी जूस



नीबू दाक्

सेतोङ दिन दो, होय लोलोगे ताहेना। उन जोखान आबो दोबोन उदगारोक्आ। जोखोन आबोबोन उदगारोक्आ, आबोवाक् होङमो खोन आयमा दाक् ओडोकोक्आ। ओनाते सेतोङ दिन आबो दो बाङ्ती दाक्, छाछ, नीबू दाक्, उल पन्ना, ईख जूस से नारियाल दाक्बोन जुंइया।

जोखोन आबोबोन खिलोडा से जाहाँन होङमो रेयाक् कामी कासनीबोन काक्मीया, उन जोखेन होङमो खोन उदगार दाक् ओडोकोक्आ। आबो दो आयमाध णव दाक् जुंय लागतीकान ताबोना।

आमदो तिनाक्धाव दाक्एम जुंइयेदा?


आबोवाक् होङमो लागित् आयमागान दाक् लागतीक्आ। आबो दो दाक् बेगोर जिवेत् बाबोन ताहे दाङेयाक्आ। ओनाते आबो दो जावगेबोन मेना, 'दाक्गे जिवोन काना।

जोमाक् दो ओका खोन हिजुक् काना?



तोलासमे

- चेका आमदो खेतरे रोहोयेत्कान जोम जिनिस रेयाक् जुतुमकोम बाडाया? ओनकान थोडा फोसोल रेयाक् जुतुम ओलमे।
- गालमारावमे आर ओलमे जे ओनाको मुदरे थोडा जोम जिनिस चेतलेका इसीनोक्आ।



आबो दो दारे रेयाक् आयमा हटिजबोन जोमा। थोड़ा पारतुल लाताररे एमाकाना।
आम जाहाँकोम जोमा ओनारे टिक लागावमे। (✓)

आडाक्को



☐ पालोक



☐ मिथी



☐ बान्दा गुभी




☐ तुड़ी आडाक्




☐ धानिया साकाम

फोल-डोल




☐ आञ्जीर बेले



☐ चीकू




☐ सेब



☐ उल बेले


दा जिनिसको



☐ गाजोर




☐ मूली




☐ सोलजोम


गुदी



☐ आलू



☐ मात् डार



☐ आदहे




☐ पेयाज

जाडको



☐ ओन



☐ दाल




☐ रोहोड फ़ल

जाहाँय दो जानवार खोन जामोक् जिनिस होको जोमा, जेलेका- तोवा, दाहे, गोतोम, पनीर, दुमुर रासा, बेले आर जेल।

कुदुम ओकते

आबोबोन बेवहारेत्कान सानाम खोन बाडती बारया जिनिस ओना दो दारे खोन हों बाड जामोक्आ आर जानवार खोन हों बाड। ओना मुदरे कोम-से-कोम मित् जिनिस रेयाक् जुतुम लाइमे।

जुदी आमरेन जाहाँय गाते माँजान लागित् जोमाक् बाय आगुइया तोबे चेका आमोक् जोमाक् उनीयेम हाटिजाया?



माबोन तोलासा

क. गालमारावमे

1. आबो दो चेदाक् आयमालेकान जोमाक् लागतीयाबोना?
2. आबो दो चेदाक् रितु हिसाबते जामोक् जोमाक्बोन जोमा?
3. चेकाते आमेम लाइ दाइयाक्आ जे जाहाँटाक् जोमाक् होइमो लागित् नापाया से बाड?
4. जोमाक् बाड बेरबादोक् नोआ चेदाक् मोहोतानाक् गया? चेका आम ओड़ाक्रे जोमाक् बेरबाद खोन बाञ्चाव लागित् जाहाँन होराकोम हुदिस दाइयाक्आ?

ख. ओलमे

1. आमाक् घारोज्जरेनको जोम फोल-डोल आर उतुको रेयाक् तालिका बेनावमे।
2. आमाक् कुसीयाक् जोम जिनिस रेयाक् रेसिपी ओलमे।
3. नोडकान जोम जिनिस रेयाक् जुतुम ओलमे जाहाँटाक् रेदो दारे आर जानवार बानार लेकानाक् तत्व सेलेत् आकाना। पारतुल लेकाते, लास्सी रेदो दाहे सेलेत् मेनाक्आ ओनादो तोवा (जानवार रेयाक् घोटोक्) ते बेनावाकाना आर चीनी ओना दो ईख (दारे रेयाक् घोटोक्) ते बेनावाकाना।

ग. चितार बेनावमे

1. आमाक् नोटबुकरे आयमालेकान जोम जिनिसते पेरेच् पेया प्लेट से थारी रेयाक् चितार बेनावमे।
2. नोआको थारीरे सेताक्, तिकिन आर जिन्दा जोमाक् जोम जिनिसको रेयाक् चितार बेनावमे आर जुतुम ओलाक्मे।

घ. मित् साँवते जोम

केलासते जाहाँन फोलगे आगुइमे। आमरेन माचेताक् गोड़ोते फोल रेयाक् सलाद बाडखान सलाद बेनावमे। आमरेन गातेको ओना हाटिजाकोमे।

ङ. हुदिसमे

हुदिसमे आमाक् ओड़ाक्ते आचकागे पेड़ाको हेच्एना। चेत् लेकानाक् जोमाक् ओनकोम एमाकोआ आर चेदाक्?

